

明·蕩益大師要解
清·圓瑛法師講義

阿彌陀經要解講義

佛陀教育基金會 印贈

中華民國八十一年六月恭印一千冊

西方公據

普為出資及讀誦受持
輾轉流通者回向偈曰

願以此功德 消除宿現業

增長諸福慧 圓成勝善根

所有刀兵劫 及與饑饉等

悉皆盡滅除 人各習禮讓

讀誦受持人 輾轉流通者

出資發心者 現眷咸安樂

先亡獲超昇 冤親盡釋解

風雨常調順 人民悉康寧

法界諸含識 同證無上道

發行人：孔服農

出版者：財團法人佛陀教育基金會

地址：台北市杭州南路一段五五號二樓

電話：（〇二）三九五一一九八

贈送處：

● 佛陀教育基金會附屬華藏講堂

台北市杭州南路一段五五號三樓

電話：（〇二）三九五一一九八

（贈送品・歡迎翻印・功德無量）

行政院新聞局出版事業登記證局版臺業字第三八六九號

敬請常唸

南無阿彌陀佛 求生淨土

敬請常唸

南無觀世音菩薩・消災降福

重校新版阿彌陀經要解講義序

佛法難聞，凡情忽之也；淨宗難信，旨奧罔解也。佛法者何？淨而已矣。所淨者何？根塵識皆是也。故群經蘊義，無不在淨；學而習於淨，扼乎佛法之要矣。然三藏烟海，畏繁求專，得阿彌陀經、觀無量壽經、無量壽經，古德彙而輯之，曰「淨三經」；近德益以華嚴行願品、楞嚴勢至圓通章，曰「淨五經」。前彙專之專者也，各明一義；後益選其專者也，自行化他之加行也。依聖言量，末法惟淨成就，又云普被三根。姑無論其探源

析流，徧飲其水；盱衡當時，果能貫徹三經者，寧多乎哉？僅彌陀一經，聞者較廣，但亦依其文，而作諷誦，鮮能達其義，如法實修。雖有圓中鈔及疏鈔等，非不浩浩淵淵，探蹟索隱；第以辭藻典雅清鑠，非夫人盡能受；仍如寶珠裹衣，貧子不富。佛法難聞，似又不一其障也！蕩益大師要解出，文潤而質，言簡而精；性與相，雙彰其諦；禪與淨，融而無諍。求解者，豁顯其義；求行者，詳示其端。十三祖歎為觀止，良有以也！古閩高僧圓瑛法師，復慮格於教相者，或猶難入，又隨文逐句，增以講義，使解若疏，講若鈔也；如是，則彌陀

一經，三根庶普被矣！寧知尚有不然者：末世版本不競，流通典籍，亦復為一障焉！臺省淨學，習是經解者，乃為上海鐫版，序有「壬午暮春」。迭次翻印，皆依原書攝影為之，後始察知多訛；凡所翻，無不訛也。雖亟思而正之，惟艱於校勘之求，固須勝其事，細其心，且當恒其德也。辛亥夏，古粵許寬成教授，慨而任之；復得鄭勝陽居士之助，遂鑄鉛易型，自成新版；並擬遍蒐舊刊而封之，不使重出於世。嗟夫！無圓公講義，要解不彰；無要解，阿彌陀經之秘不顯；無阿彌陀經，淨土之普不被；無淨土，無量佛法不能濟其窮矣。稔其

事重大也如此，又安可再容魯魚亥豕，混淆於人心耶？聞嘗省其咎由，其辭至無可遁，其事至無可委者：何以未先轉本於上海，後不肇末於臺灣，任其悠久流訛，垂三十年也？不知而翻，是其疏；知而仍之，是其慢。信奉弘護云乎哉？今之刊也，在正其訛；訛正而後流通，冀少補既往之愆也。若因之忽者不忽，弗信者信，是又今刊之所切願者矣。

中華民國六十年辛亥仲秋稷門李炳南謹識

圓瑛法彙序

閩中山川磅礴。靈氣所鍾。高僧輩出。黃蘗心要。百丈清規。古德流風。至今猶有存者。圓瑛法師。籍隸古田。蚤歲脫俗。真參實學。孜孜弗懈。卒能成就其德業。光明俊偉。與先哲同揆。鄉人士皈依座下者。如水趨壑。比歲卓錫浙東。先後住持七塔天童二寺。法雨覃敷。三根普被。余今夏曾詣天童。參承道席。是時方演講楞嚴。緇素翕集。法師闡明義趣。機辯縱橫。聽者無不悅服。又以持戒爲學佛之要。每反復誥誡而不已。信乎宗說兼通。行解相應。足爲學者之模楷也。今上海佛學書局。以法師平生撰著。彙刻行世。徵序於余。夫我佛設教。法門雖廣。無非使人解黏脫縛。明心見性而已。學道之士。真積力久。有悟於第一義諦。靈光獨耀。迴脫根塵。雖不立文字。可也。其或明宗弘教。發爲文辭。等身著作。亦

可也。何以故。此心既空。則文字與實相。不相違異。故法師願力宏毅。所至修廢舉墜。鉅細靡遺。至於挺身衛道。處事變艱危之會。不怵不撓。尤爲難能可貴。惟其真理既徹。應物無方。雖熾然有爲。而不著有爲之相。故觀法師之文。卽事卽理。圓融無礙。而佛法之體用彰明。具可於言外得之。嗚呼。魔說害教。魚目混珍。大法之陵夷甚矣。有如法師言句。引經據論。涵義深廣。而歸於平實。是能燦真燈於既昏。續慧命於將墜者。余安得不爲之往復讚嘆也哉。

閩侯林翔敬撰

彌陀要解講義序

法門無量。統如來隨機而說。衆生既各入門。終令圓入佛道者也。夫彌陀經。乃釋尊普被三根。羣攝利鈍之法。故佛於方等中。不俟請而矢口告舍利弗。廣讚極樂妙境。深歎彌陀光壽。勸人堅固信願。專持聖號。定得往生。終成佛果。斯經也。乃世尊以平等心。運無緣慈。於無量法門。開出方便中最方便。捷徑中最捷徑者。良由末世衆生。善根闕鈍。世緣囂雜。攝心尤難。若非至簡至捷。奇妙方便法門而圓收。豈易入道。是故佛經自東漸震旦以來。持誦之盛。往生之驗。無尙此經。由此。自古先達注疏殊多。皆如日星具麗於天。江河皆匯於海。故諸縉素。其起信者。并持而專切者。由來盛矣。迄明智旭大師。特著要解以釋此經。更超前賢之不逮。發所蘊奧之未發。析義判教。勸導信願。若畫龍之點睛。宛轉精

耀。徹淨宗之骨髓。達佛意之普周。類六方之共讚。同諸佛之廣長。厥趣幽深。若非再添注釋。今人豈易入室。頃圓瑛法師。受天津居士林請。講斯解全文。欲使衆聞瞭若指掌。特先編輯講義。普令或聞或見。一目貫通。夫荆山之玉。務須剖釋。衣裏明珠。總賴指示。師爲現代知識。明眼宗匠。舒胸中之真彩。發鑛裏之精金。俾達要解而入經義。由經義而悟自性彌陀。唯心淨土。則極樂蓮花不外當人一念。當念果證。步步皆是已矣。稿成付印而問序焉。余雖不敏。聊敘片言以弁其端。庶廣起信云爾。時壬午莫春。興慈謹撰

彌陀要解講義序

夫淨土之教。無相而無不相。無爲而無不爲。理超象繫之表。智絕有空之境。是諸佛不思議解脫。大乘不二法門。故一切大士本行。皆始於發心。終於淨土。兼具萬善。成就衆生。功莫有先於此者矣。大化東流。廬山遠公創弘禪戒。首勸淨業。三觀聖相。沉厚不言。神鸞繼起。精修淨觀。流風益扇。及智者大師。以無礙解。說天台教。聖行道力。專志西方。自時厥後。弘一心三觀之旨者。罔不以淨土爲指歸。如四明尊者之觀經妙宗鈔。慈雲大師之決疑行願二門等。皆研窮理奧。曲暢玄風。卽考之扶桑淨土法門之開啓。亦皆歸功於慈惠之九品義。源信之往生要集。源空之選擇本願念佛集。此諸師者。皆天台宗人也。親鸞上人旣受源空選擇集之付囑。乃以非僧非俗之身。竭精弘闡。而斯教益盛。故淨土法門之與天台宗義。其關涉之深。有如此者。中土自宋元而降。天台諸祖。亦莫

不盛弘淨土。靈峯大師崛起於明季。大明台教。因宗妙宗圓中二鈔。而造彌陀要解。所云要者。謂心要境要法門要。心要有破有立。破則破緣影之妄心。立則立即境之真心。境要有破有立。破則破緣影之妄土。立則立即心之實境。法門要者。有事有理。事則淨土橫超三界。勝過一切豎出法門。理則心境圓融。自具十乘觀法。以天台性具法門。釋甚難希有之教。誠爲甚深法要。淨土資糧。顧其文約義豐。語近旨遠。講貫者衆。精詣罕覯。圓瑛法師爲當今龍象。大乘司南。講席之盛。四方嚮往。旣以高座敷揚之語。錄成彌陀經講義。茲又錄成彌陀要解講義。俾未獲親侍講筵者。亦得均霑法乳。開啓愚蒙。大慈悲心。善巧方便。引領玄模。不勝慶喜。乃承 不棄。索爲序引。粗述所懷。藉資讚勸。仰冀世賢。普共流通。傳燈無盡。同棲神於安養。指大覺以爲期爾。

中華民國三十一年五月一日靳雲鵬敬序

佛說阿彌陀經要解講義 目錄

序 文

重校新版阿彌陀經要解講義序……………一

圓瑛法彙序……………五

彌陀要解講義序……………七

彌陀要解講義序……………九

正 文

一、二種題目……………一

甲一、經題……………一

乙一、別題……………一

乙二、通題……………八

甲二、疏題	八
二、譯經法師	一〇
三、解經大師	一三
四、著解序文	一六
甲一、序法門	一六
乙一、總序多門	一六
乙二、別顯淨宗	一九
丙一、淨土橫超勝	一九
丙二、特顯持名勝	二〇
甲二、序註疏	二六
乙一、序古疏	二六
乙二、序今解	二九

五、解經玄義·····	三一
甲一、釋名·····	三二
甲二、辨體·····	三七
甲三、明宗·····	五〇
甲四、明力用·····	七三
甲五、明教相·····	八五
六、正釋經解·····	八九
甲一、序分·····	九〇
乙一、通序·····	九四
丙一、標法會時處·····	九五
丙二、引大衆同聞·····	一〇三
丁一、聲聞衆·····	一〇五

戊一、明類標數	一〇五
戊二、表位歎德	一一一
戊三、列上首名	一一四
丁二、菩薩衆	一二五
丁三、天人衆	一二九
乙二、別序	一三二
甲二、正宗分	一五八
乙一、廣陳彼土依正妙果以啓信	一五八
丙一、依報妙	一五九
丁一、徵釋	一五九
戊一、徵	一五九
戊二、釋	一五九